



IZVJEŠTAJ O OSTVARENJU GODIŠNJEG PLANA IMPLEMENTACIJE REVIDIRANE STRATEGIJE RAZVOJA OPĆINE ORAŠJE ZA 2021. GODINU



SADRŽAJ

SADRŽAJ	2
IZVRŠNI SAŽETAK	3
1. UVOD	4
2. VIZIJA, STRATEŠKI CILJEVI I PRIORITETI.....	5
STRATEŠKI CILJEVI	5
SEKTORSKI CILJEVI	7
SEKTORSKI CILJEVI unutar oblasti ekonomskog razvoja.....	7
Sektorski ciljevi unutar oblasti društvenog razvoja	8
Sektorski ciljevi unutar oblasti zaštite okoliša i infrastrukture	9
3. Zbirni pregled Planiranih priroritenih projekata i okvira za njihovo financiranje obuhvaćenih planom implementacije za 2020. godinu	10
4. Zbirni pregled realiziranih priroritenih projekata i okvira za njihovo financiranje obuhvaćenih planom implementacije za 2020. godinu	13
5. INSTITUCIONALNI KAPACITETI OPĆINSKE UPRAVE I SUKADNJA SA BITNIM AKTERIMA	17
6. ZAKLJUČCI I PREPORUKE.....	18



IZVRŠNI SAŽETAK

Izveštaj o ostvarenju godišnjeg Plana implementacije revidirane Strategije razvoja Općine Orašje za 2021. godinu ima za cilj potaknuti sve zainteresirane relevantne aktere na veću uključenost i doprinos boljem donošenju odluka o realizaciji strateških prioriteta ekonomskog, društvenog razvoja i zaštite životne sredine, u okviru tri definirana sektorska cilja.

Ovaj izvještaj odnosi se na implementaciju strateških, odnosno sektorskih ciljeva, tj. prioriteta projekata 2021. godini, koji se, po MiPRO metodologiji, planiraju uz konzultacije sa bitnim akterima u zajednici u svim fazama implementacije strategije.

Općina Orašje je strateško opredjeljenje razvoja izrazila donošenjem Strategije razvoja Općine Orašje za period 2011. – 2020. godina, koja je revidirana za period od 2016.-2020. godine. Odlukom Općinskog vijeća Orašje o produljenju važenja revidirane Strategije razvoja Općine Orašje 2016. – 2020 . godina i izradi Strategije razvoja Općine Orašje 2021. – 2027. godine („Službeni glasnik Općine Orašje“ broj: 01/21) produljeno je važenje navedene Strategije do donošenja nove odnosno najkasnije do 31.12.2021. godine. U međuvremenu, pripremljena je i usvojena Integrirana Strategija lokalnog razvoja općine Orašje 2021. - 2027. godine („Službeni glasnik Općine Orašje“ broj: 09/21) sukladno kojoj će se od 2022. godine izrađivati svi zakonski implementacijski dokumenti.

Izveštaj o ostvarenju godišnjeg Plana implementacije revidirane Strategije razvoja Općine Orašje za 2021. godinu pripremljen je u skladu sa principima metodologije za integrirano planiranje lokalnog razvoja (MiPRO).

Temelj za izradu izvještaja predstavlja Plan implementacije i indikativni finansijski okvir za 2021. godinu, koji je sastavni dio revidirane Strategije razvoja Općine Orašje.

Osnovna svrha izrade izvještaja o realizaciji Strategije razvoja je na temelju prikupljenih podataka i informacija o statusu projekata iz godišnjeg plana implementacije analizirati da li su i koliko projektne intervencije doprinijele ostvarenju postavljenih ciljeva, odnosno u kojoj mjeri je postignut napredak u odnosu na plan i kakav će utjecaj imati na krajnje korisnike u budućnosti, teo navedenom informirati relevantne subjekte.

Izveštaj je pripremljen od strane Službe za upravljanje razvojem koja je određena kao implementacijska jedinica Općine Orašje zadužena za provedbu procesa monitoringa, evaluacije i izvještavanja o provođenju Strategije razvoja Općine Orašje.

Tijekom izrade izvještaja su korišteni podaci i informacije prikupljeni od nadležnih Službi unutar Općine kao i vanjskih aktera, prvenstveno javnih ustanova i poduzeća, zaduženih za realizaciju projekata u skladu sa revidiranim Strategijom razvoja.



1. UVOD

Općina Orašje jedna je od prvih općina u Federaciji BiH koja se uključila u procese strateškog planiranja i upravljanja razvojem prepoznajući ključnu ulogu lokalne samouprave u prepoznavanju, poticanju i upravljanju razvojnim potencijalom njenog područja. Tako se Općina tijekom 2010. godine uključila u Projekt integriranog lokalnog razvoja (ILDLP), koji je predstavljao zajedničku inicijativu Vlade Švicarske i Razvojnog programa Ujedinjenih nacija (UNDP). U sklopu tog projekta izrađena je i usvojena Strategija razvoja Općine Orašje za period 2011. – 2020. godina kao ključni strateško-planski dokument Općine, koji potiče rast i razvoj zajednice. 2015. godine završio je petogodišnji ciklus implementacije Strategije i istekao planski period sektorskih planova, te se Općina Orašje odlučila provesti proces revizije Strategije.

Proces revizije Strategije razvoja, iniciran od strane Općinske uprave započeo je potpisivanjem Memoranduma o razumijevanju između Općine Orašje i Razvojnog programa Ujedinjenih nacija (UNDP-a), te uključivanjem radnih tijela – Razvojnog tima Općine Orašje (ORT), sektorskih radnih grupa, Intersektorske grupe za integraciju aspekata smanjenja rizika od katastrofa i Partnerske grupe (PG). U tom kontekstu, tijekom 2015. godine izvršena je i neovisna srednjoročna evaluacija Strategije čiji su rezultati predstavljali jednu od ulaznih informacija za revidiranje Strategije razvoja za period 2016. - 2020. godine.

U definiranju ključnih elemenata Strategije, vizije, misije, strateških i sektorskih ciljeva, utvrđivanju prioriteta, značajan doprinos dali predstavnici lokalne zajednice, gospodarskog, društvenog sektora i organizacije civilnog društva. Zajednički postavljeni prioriteti su pokazatelj zainteresiranosti svih sudionika u procesu za rješavanje prioriteta koji su odraz stvarnih potreba građana.



2. VIZIJA, STRATEŠKI CILJEVI I PRIORITETI

Revidiranom strategijom razvoja općine Orašje za period 2016. – 2020. godine, definirana je sljedeća vizija:

Poduzetnički centar Posavine s kvalitetnim životnim standardom za sve građane općine.

Vizija Općine Orašje je fokusirana na dva glavna elementa razvoja: poduzetništvo i kvalitetu životnog standarda građana na prostoru općine Orašje. Vizija je sveobuhvatna jer sa jedne strane daje značaj gospodarskom razvoju oslonjenom na razvoju poduzetništva, istovremeno dajući istovjetan značaj razvoju društvenog sektora, sadržajima koji utječu na kvalitetu življenja i ravnopravnosti građana pri distribuciji koristi koju će osjetiti pri razvoju lokalne zajednice. Kvalitetan životni standard koji definira dio vizije, u kontekstu nove realnosti ovog područja, odnosno, učestalosti i intenziteta poplava, podrazumijeva i aspekt sigurnosti građana i imovine, na kome će biti fokus u narednom planskom periodu.

STRATEŠKI CILJEVI

Na temelju revidirane socio-ekonomske analize i SWOT analize odnosno analize osnovnih snaga, slabosti, mogućnosti i prijetnji sa kojima se suočava općina proizašli su sljedeći **strateški fokusi razvoja Općine Orašje**:

- ☐ *Unaprjeđenje poslovnog okruženja i podrška investitorima.*
- ☐ *Unaprjeđenje i razvoj poljoprivredne proizvodnje.*
- ☐ *Unaprjeđenje funkcioniranja lokalne administracije i povećanje institucionalnih kapaciteta za upravljanje lokalnim razvojem i potporu razvoju poduzetništva malih i srednjih poduzeća.*
- ☐ *Izgradnja komunalne infrastrukture radi unaprjeđenja javnih usluga stanovništvu i zaštite okoliša i prirodnih resursa.*
- ☐ *Kontinuirano ulaganje u sve segmente društvenog razvoja, te unaprjeđenje kvalitete i sigurnosti življenja.*



Uzimajući u obzir ključne elemente revidirane Strategije razvoja Općine Orašje 2016. – 2020., postavljenu viziju razvoja i prihvaćene strateške fokuse definirana su tri strateška cilja za tri sektora razvoja (ekonomski, društveni i zaštita okoliša).

STRATEŠKI CILJ 1:

Izgrađena poduzetnička infrastruktura za razvoj i podršku malim i srednjim poduzećima, te stvaranje pretpostavki za razvoj poljoprivrede

STRATEŠKI CILJ 2:

Razvijena društvena infrastruktura i sadržaji, te promicanje obrazovne, zdravstvene, kulturne i sportske svijesti te sigurnosti građana općine Orašje

STRATEŠKI CILJ 3:

Razvijena komunalna infrastruktura, te promicanje ekološke svijesti građana općine Orašje.

Indikatori praćenja napretka odnosno indikatori putem kojih će se evidentirati utjecaj **strateškog cilja 1** su broj poslovnih subjekata na 1000 stanovnika, broj poljoprivrednih gazdinstava na 1000 stanovnika i broj zaposlenih.

Indikatori praćenja napretka odnosno indikatori putem kojih će se evidentirati utjecaj **strateškog cilja 2** su broj učenika na 1000 stanovnika, broj liječnika na 1000 stanovnika, broj povrijeđenih i smrtno stradalih od prirodnih i drugih opasnosti, socijalni transferi po glavi stanovnika, te broj članova u sportskim, kulturnim i nevladinim udruženjima.

Indikator praćenja napretka odnosno indikator putem kojeg će se evidentirati utjecaj **strateškog cilja 3** je postotak stanovništva obuhvaćenog suvremenim komunalnim uslugama.



SEKTORSKI CILJEVI

Strateški prioriteti za razvoj općine su: ekonomski razvoj, društveni razvoj i zaštita životne sredine. U okviru ovih sektora, definirani su sljedeći ciljevi:

SEKTORSKI CILJEVI UNUTAR OBLASTI EKONOMSKOG RAZVOJA:

Razviti poslovnu i turističku infrastrukturu na području općine Orašje

Povećati konkurentnost MSP-a kroz jačanje struktura za podršku poduzetništvu

Osnažiti sektor poljoprivrede na području općine Orašje

Programske intervencije predviđene u okviru **Sektora ekonomskog razvoja** prvenstveno se odnose na jačanje poslovne infrastrukture, te obujma i konkurentnosti proizvodnje.


Prvi fokus lokalnog ekonomskog razvoja predstavlja unaprjeđenje poduzetništva. Općina Orašje je u prethodnom periodu ostvarila zapažene rezultate u oblasti poduzetništva, a evaluacija realizacije Strategije je pokazala najbolje rezultate u ovoj oblasti. Najveći fokus bio je na poduzetničkoj zoni „Dusine“ koja je operativna, funkcionalna i skoro u potpunosti završena. U fokusu ekonomskog razvoja, u manjoj mjeri, uključuje se i oblast turizma. Turizam se promatra kroz tranzitni i ribolovni turizam, a ovim planom se stvaraju pretpostavke za razvoj kroz izgradnju objekata turističke infrastrukture. Pored toga, fokus podrške poduzetništvu ogledat će se i kroz jačanje ljudskih kapaciteta primjerenih potrebama tržišta rada, osnaživanje MSP kroz uvođenje novih tehnologija i jačanje institucionalnih mehanizama podrške poduzetništvu.

Pored poduzetništva, Općina Orašje fokusirala se i na poljoprivredu, s obzirom da je izrazito poljoprivredno područje sa dugom tradicijom bavljenja poljoprivredom i značajnim zemljišnim



potencijalom za daljnji razvoj poljoprivredne djelatnosti. Dva su segmenta u fokusu razvoja poljoprivredne djelatnosti: potreba za povećanjem zasijanih površina u poljoprivrednoj proizvodnji i povećanje konkurentnosti i kapaciteta poljoprivrednih proizvođača. Kako bi se ispunio prvi fokus neophodno je bilo osigurati dodatne površine kvalitetnog zemljišta, dok povećanje konkurentnosti poljoprivrednih proizvođača zahtijeva uvođenje suvremenih poljoprivrednih mehanizama i pristupa kao što su sustavi za navodnjavanje, povećanje poljoprivrednih površina pod kulturama otpornijim na sušu, plastenička i ostali vidovi zaštićene proizvodnje, povećanje poljoprivrednih površina pod osiguranjem od rizika od prirodnih katastrofa te sveobuhvatna obuka i edukacija poljoprivrednika o ovim pitanjima.

SEKTORSKI CILJEVI UNUTAR OBLASTI DRUŠTVENOG RAZVOJA:




Programske intervencije predviđene u okviru **Plana društvenog razvoja** primarno doprinose unaprjeđenju infrastrukture i kvalitete sportskih i kulturnih aktivnosti izgradnjom društvene infrastrukture i uvođenjem novih mehanizama institucionalne podrške.



Primjetna je potreba za unaprjeđenjem stanja infrastrukture i opremljenosti obrazovnih institucija, prije svega vrtića i osnovnih škola. Zdravstvena i socijalna skrb trebaju biti poboljšane sa povećanjem broja zdravstvenih i usluga socijalne skrbi, te izgradnjom i opremanjem zdravstvenih ustanova. Jedan od prepoznatljivih elemenata kvaliteta života na ovom području su kulturna događanja, koja da bi ostala pozitivan primjer, zahtijevaju poboljšanje infrastrukturnih uvjeta, kao i nastavak potpore tradicionalnim kulturnim događajima i manifestacijama.

Zbog aktualnosti poplava i suša, formiran je i novi fokus koji se odnosi na aspekt sigurnosti građana od prirodnih i drugih nepogoda i u tom smislu neophodno je opremanje, osposobljavanje i jačanje kapaciteta ključnih subjekata zaštite i spašavanja, prije svega civilne zaštite, vatrogasaca, policije i nevladinih organizacija.

SEKTORSKI CILJEVI UNUTAR OBLASTI ZAŠTITE OKOLIŠA I INFRASTRUKTURE:





Projektne intervencije poduzete u okviru **sektora zaštite okoliša i infrastrukture** doprinijele su poboljšanju komunalnih usluga, prvenstveno u odnosu na izgradnju i gospodarenje vodnom infrastrukturom i zelenim površinama, kao i na gospodarenje otpadom.

Jedna od ključnih zamjerki evaluacije implementacije Strategije u periodu do 2015. godine bila je nedovoljna usmjerenost na komunalnu infrastrukturu i zaštitu okoliša. Općinski razvojni tim i Općinska uprava svjesni su činjenice da je za poboljšanje kvaliteta života neophodno osigurati na području cijele općine kvalitetnu osnovnu komunalnu infrastrukturu zbog čega se u procesu realizacije nalazi veliki vodni infrastrukturni projekt koji treba poboljšati kvalitetu vode u sustavu vodoopskrbe, uz značajno proširenje na područja koja do sada nisu bila u sustavu organizirane i kontrolirane vodoopskrbe. Dodatno, fokus Općinske uprave će biti na provođenju mjera energetske efikasnosti i poboljšanje stanja u procesima prikupljanja i odlaganja otpada. Uz navedene fokuse, prepoznati su i drugi problemi koji trebaju biti rješavani, a vezani su za optimizaciju sustava javne rasvjete, izgradnju objekata za pružanje pogrebnih usluga, rekonstrukciju ulica, proširenje gradskih zelenih površina koji trebaju poboljšati stanje okoliša općine Orašje.

3. ZBIRNI PREGLED PLANIRANIH PRIRORITERNIH PROJEKATA I OKVIRA ZA NJIHOVO FINANCIRANJE OBUHVACENIH PLANOM IMPLEMENTACIJE ZA 2020. GODINU

Planom implementacije i indikativnim financijskim okvirom za 2021. godinu Općine Orašje predviđena su ukupno 27 projekata:


Ekonomski sektor: 8 projekata

Društveni sektor: 12 projekata

Sektor zaštite okoliša: 7 projekata

U nastavku je kroz tabelarne i grafičke prikaze prikazana struktura planiranih projekata po sektorima za 2021. godinu:

Ekonomski	8	30%
Društveni	12	44%
Zaštita okoliša	7	26%
Ukupno	27	100%



Za financiranje ovih projekata za 2021. godinu je planirano ukupno 6.526.650,22 KM, od čega je iz Općinskog proračuna 2.416.011,50 KM, a iz ostalih izvora 4.110.638,72 KM.

Za realizaciju projekata iz **ekonomskog sektora** u 2021. godini je planirano 356.803,25 KM, od čega je iz Općinskog proračuna trebalo izdvojiti 118.000,00 KM, a iz ostalih izvora 238.803,25 KM.


U **društvenom sektoru** planirani su projekti ukupne vrijednosti 2.345.696,97 KM, za koje je predviđeno 516.311,50 KM iz Općinskog proračuna, a 1.829.385,47 KM iz ostalih izvora.

Za realizaciju projekata iz **sektora zaštite okoliša** je predviđeno 3.824.150,00 KM, od toga iz Općinskog proračuna 1.781.700,00 KM, a 2.042.450,00 KM iz ostalih izvora.


U nastavku je kroz grafičke prikaze prikazana struktura planiranih izvora financiranja, te financijska struktura planiranih projekata po sektorima za 2020. godinu



Struktura planiranih izvora financiranja projekta



Financijska struktura planiranih projekata po sektorima





4. ZBIRNI PREGLED REALIZIRANIH PRIORITERNIH PROJEKATA I OKVIRA ZA NJIHOVO FINANCIRANJE OBUHVATENIH PLANOM IMPLEMENTACIJE ZA 2020. GODINU

Od planiranih 27 projekata u 2021. godini predviđenih Planom implementacije i indikativnim finansijskim okvirom za 2021. godinu Općine Orašje, realizirano je ili su još uvijek u realizaciji 24 projekata. Većina projekata koji su u realizaciji su višegodišnjeg karaktera čija je realizacija započela u prethodnom periodu i implementacija se nastavlja u narednim godinama

U okviru **ekonomskog sektora** tijekom 2021. godine od planiranih 8 projekata, 6 projekata je realizirano, a 2 projekata nisu realizirana.

Ukupna realizacija planiranih projekata u ekonomskom sektoru: 75 %

Ukupna finansijska realizacija planiranih projekata u ekonomskom sektoru: 78,29 %

Za njihovu implementaciju utrošeno je 279.335,00 KM, od toga iz Općinskog proračuna 116.000,00 KM (41,50%), a iz eksternih izvora 163.335,00 KM (58,50%),

U **društvenom sektoru** planirano je 12 projekata, od kojih je u cijelosti realizirano 9 projekata, 1 projekt nije realiziran, dok su 2 projekata u fazi realizacije, a to su Projekt „Izgradnja zgrade Državnog projekta stambenog zbrinjavanja – Pod projekt BiH 6“ i projekt „Rekonstrukcija objekta kino dvorane Orašje“, kao višegodišnji projekti.

Ukupna realizacija planiranih projekata u društvenom sektoru: 75 %

Ukupna finansijska realizacija planiranih projekata u društvenom sektoru: 57,65 %

Za realizaciju navedenih projekata je utrošeno 1.352.226,57 KM, i to 471.162,00 KM (35%) iz Proračuna Općine i 881.064,57 KM (65%) iz eksternih izvora.

U **sektoru zaštite okoliša** planirano je 7 projekata, od kojih je 6 projekata realizirano u potpunosti, a 1 je u postupku realizacije. To je projekt: „Izgradnja defrizatora na izvorištu vode za piće „Vodocrpilište Kostrč“ u Kostrču, višegodišnji projekt čija se implementacija nastavlja i završava u 2022. godini.

Ukupna realizacija planiranih projekata u sektoru zaštite okoliša: 85 %


Ukupna finansijska realizacija planiranih projekata u sektoru zaštite okoliša: 28,85 %

Za realizaciju ovih projekata utrošeno je 1.103.270,94 KM, od čega je 279.295,34 KM (25%) iz Proračuna Općine i 826.975,60 KM (75%) iz drugih izvora.



Implementirani projekti u ukupnoj vrijednosti od 2.734.832,51 KM financirani su iz Proračuna Općine Orašje u iznosu 866.457,34 KM (32%), dok je iz eksternih izvora osigurano financiranje u iznosu 1.868.375,17 KM (68%).

Grafički prikaz strukture izvora financiranja realiziranih projekata:




U nastavku je kroz tabelarne i grafičke prikaze prikazana struktura realiziranih projekata po sektorima sa financijskim prikazom za 2020. godinu:

Ekonomski	6	28,50%
Društveni	9	43%
Zaštita okoliša	6	28,50%
Ukupno	21	100%




Struktura realiziranih projekata po sektorima



■ Ekonomski sektor ■ Društveni sektor ■ Sektor zaštite okoliša

Financijska struktura realiziranih projekata po sektorima



Promatrajući odnos između planiranih projekata i onih čija je realizacija završena u 2021. godini ili je još u tijeku zbog njihovog višegodišnjeg trajanja, može se zaključiti da je ostvareno više od 75% planiranih projekata, odnosno da je postignut visoki stupanj realizacije Plana



implementacije, te u odnosu na 2020. godinu kada je iznosio 50%. Zamjetan je porast ostvarenja planiranih projekata za više od 25%.

Što se tiče strukture realiziranih projekata po sektorima, iz društvenog sektora je realizirano 9 projekata, dok je iz sektora zaštite okoliša i ekonomskog sektora realizirano po 6 projekata.

Analizirajući odnos vrijednosti planiranih projekata u 2021. godini koja iznosi 6.526.650,22 KM u odnosu na ukupno uložena sredstva u 2021. godini u iznosu od 2.734.832,51 KM, dolazimo do podatka da je postotak implementacije Plana u 2021. godini 41,90 %.

Pri tome, u ukupnom broju realiziranih projekata, 32% se odnosi na financiranje iz Općinskog proračuna, dok je 68% iz vanjskih izvora financiranja.

Uspoređujući planiranu strukturu po izvorima financiranja gdje je u Planu implementacije za 2021. godinu bilo predviđeno financiranje projekata sa 37 % iz Općinskog proračuna, a 63 % iz vanjskih izvora financiranja, može se zaključiti da su aktivnosti na privlačenju vanjskih izvora sredstava bile uspješno realizirane.

Što se tiče projekata predviđenih Planom implementacije za 2021. godinu koji nisu u potpunosti ili djelomično implementirani, njihov ukupan broj u sva tri sektora iznosi 3, a to su: Izmjena urbanističkog plana općine Orašje, Potpora poljoprivrednim proizvođačima sa područja općine Orašje i Obuka i opremanje Tima za spašavanje pod vodom (ORSA) u kajak-kanu klubu „Sidro“ Orašje.

Razlozi njihove nerealizacije odnosno prolongiranja su jednaki u svim sektorima i odnose se na nedovoljna financijska sredstva u Proračunu Općine i nedostatak javnih poziva iz eksternih izvora koji su namijenjena sredstva često prenamijenili na ublažavanje negativnih posljedica uzrokovani pandemijom COVID-a.

Pregled planiranih usporedo realiziranih projekata u 2021. godini (svi sektori)

Pregled	Broj projekata	Ukupno	Iz Proračuna Općine	Iz eksternih izvora
PLANIRANO				
A. Ukupan broj planiranih projekata	27	6.526.650,22	2.416.011,50	4.110.638,72
% struktura financiranja od A		100	37%	63%
U REALIZACIJI				
B. Ukupan broj u cijelosti ili djelomično realiziranih projekata	24	2.734.832,51	866.457,34	1.868.375,17



% u potpunosti ili djelomično realiziranih projekata (od A)		41,90%	35,86%	45,45%
% struktura (od B)		100	31,68%	68,32%
C. Ukupan broj djelomično realiziranih projekata	3	586.495,75	185.542,00	400.953,75
% djelomično realiziranih projekata (od A)		8,99%	7,68%	9,75%
% struktura (od C)		100	31,64%	68,36%
D. Ukupan broj u cijelosti završenih projekata	21	2.148.336,76	680.915,34	1.467.421,42
% u cijelosti završenih projekata (od A)		32,92%	28,18%	35,70%
% struktura (od D)		100	31,70%	68,30%

5. INSTITUCIONALNI KAPACITETI OPĆINSKE UPRAVE I SURADNJA SA BITNIM AKTERIMA

Poslove centralne koordinacijske jedinice za upravljanje razvojnim aktivnostima u Općini provodi Služba za upravljanje razvojem, koja je uspostavljena Pravilnikom o unutarnjoj organizaciji jedinstvenog općinskog organa uprave Općine Orašje („Službeni glasnik Općine Orašje“ broj: 1/21), a u skladu sa predloženim preporukama ILDP projekta.

Ista ima ključnu ulogu u planiranju, implementaciji, praćenju i vrednovanju strategije razvoja Općine; planiranju i predlaganju realizacije projekata utvrđenih strategijom razvoja Općine, ostvarivanju suradnje sa svim službama Općinskog organa uprave i drugih institucija i organizacija na pripremanju, implementaciji i praćenju realizacije programa, projekata i mjera iz strategije razvoja Općine.

Također zadužena je za praćenje odgovarajućih eksternih izvora financiranja, uključujući objavljene javne pozive, pripremu projektnih aplikacija za eksterne izvore financiranja (druge institucije, EU, međunarodne organizacije i drugi donatori), ostvarivanje suradnje sa drugim lokalnim partnerima, razvojnim agencijama, javnim poduzećima, gospodarstvenicima, NVO i poslovnim udruženjima u cilju poticanja aktivnog sudjelovanja u realizaciji projekata iz Strategije, kao i u pripremi zajedničkih aplikacija na eksterne izvore financiranja i sl., analiziranje podataka, koordiniranje pri izradi socio-ekonomske analize stanja na području Općine Orašje i izradi svih analiza i izvješća o praćenju stanja lokalnog razvoja, realizaciji programa i projekata iz strategije razvoja.

U cilju kvalitetne izrade godišnjeg izvještaja o implementaciji Plana implementacije strateških projekata i mjera Služba za upravljanje razvojem vrši sekontinuirano prikupljanje podataka, odnosno mjerljivih indikatora izvršenja aktivnosti, putem općinskih službi i predlagatelja projekata. Prikupljeni podaci su analizirani i objedinjeni povezani s ciljevima, prioritetima i mjerama Općinske razvojne strategije, odnosno prema područjima razvoja.



6. ZAKLJUČCI I PREPORUKE

U narednom planskom periodu posebnu pažnju treba posvetiti:

- dosljednu primjenu uredbi koje je usvojila Vlada Federacije BiH 2019. godine, a na temelju Zakona orazvojnog planiranju i upravljanju razvojem u FBiH („Službene novine F BiH“ broj:32/17):
 - Uredbu o izradi strateških dokumenata u Federaciji BiH („Službene novine F BiH“ broj:74/19);
 - Uredbu o evaluaciji strateških dokumenata u Federaciji BiH („Službene novine F BiH“ broj:74/19);
 - Uredbu o trogodišnjem i godišnjem planiranju, monitoringu i izvještavanju u Federaciji BiH („Službene novine Federacije BiH“ broj:74/19).
- Analizirati dosadašnji pristup za identificiranje projekata za Strategiju razvoja, tj. pristup izradi akcijskih planova, kako bi se projekti što realnije planirali. Potrebno je akcijskim planom obuhvatiti realne projekte i izbjeći potrebu za odgađanjem projekata (npr. uslijed nedostatka finansijskih sredstava ili drugih razloga).
- Dodatno graditi kapacitete za namicanje sredstava iz EU i drugih vanjskih fondova, kako bi se povećala finansijska sredstva za projekte i time postigla veća učinkovitost.
- Kvalitetno i blagovremeno pripremiti projektne prijedloge i apliciranju na dostupne eksterne izvore financiranja. Kao uvjet za apliciranje projekta višim razinama vlasti je osiguranje neophodne projektne dokumentacije a što obvezuje i povećanje stavke u proračunu za pripremu projektne dokumentacije;
- Jačati kapaciteti lokalne uprave i aktera iz užeg i šireg okruženja kako za pisanje projekta, tako i lobiranje i druge oblike privlačenja vanjskih izvora financiranja implementacije Strategije;
- Planirati projekte koji podrazumijevaju promociju Općine i stvaranje povoljnog poslovnog okruženja;
- Jačati međusobnu koordinaciju i uključenost privatnog i nevladinog sektora u svim fazama procesa strateškog planiranja, implementacije, praćenja i izvještavanja.